

Na osnovu člana 38. tačka 2. i člana 110. stav 1. Statuta općine Gornji Vakuf-Uskoplje ("Službeni glasnik općine Gornji Vakuf-Uskoplje", broj;1/01 i 3/05) a u vezi sa članom 5. Odluke o općinskim priznanjima ("Službeni glasnik općine Gornji Vakuf-Uskoplje", broj; 6/09) i člana 89. Poslovnika o radu Općinskog vijeća Gornji Vakuf-Uskoplje ("Službeni glasnik općine Gornji Vakuf-Uskoplje", broj; 7/13), Općinsko vijeće Gornji Vakuf-Uskoplje na svojoj 7. redovnoj sjednici održanoj dana 07.09.2017.godine, donijelo je

**O D L U K U**  
**o dodjeli općinskih priznanja**  
**za 2017.godinu**

**Član 1.**

Povodom 1. oktobra-Dana općine Gornji Vakuf-Uskoplje dodjeljuju se općinska priznanja za 2017.godinu, kako slijedi:

Povelja sa grbom općine:

- Rudnik uglja „Gračanica“ Gornji Vakuf-Uskoplje, za izuzetan doprinos u oblasti privrede na području općine Gornji Vakuf-Uskoplje;

Zahvalnica sa grbom općine:

- Dr.don Tomislav Mlakić, za poseban doprinos u razvoju duhovnosti, kulutue dijaloga i očuvanju civilizacijskih vrijednosti na području Općine Gornji Vakuf-Uskoplje i Bosne i Hercegovine;
- Dževad Agić, za poseban doprinos u razvoju i očuvanju civilizacijskih vrijednosti, izgradnji i jačanju inistitucija Općine Gornji Vakuf-Uskoplje i njenoj afirmaciji u zemlji i inostranstvu.

**Član 2.**

Uručivanje priznanja izvršit će se na svečanoj sjednici Općinskog vijeća koja će biti upriličena povodom obilježavanja Dana općine Gornji Vakuf-Uskoplje.

**Član 3.**

Ova odluka stupa na snagu osmog dana od dana objavljivanja u «Službenom glasniku općine Gornji Vakuf-Uskoplje».

Broj: 01-05-\_\_\_/17  
Gornji Vakuf-Uskoplje,  
07.09.2017.god.

Predsjednik  
Općinskog vijeća  
Goran Batinić, mag. nov.

## ***Obrazloženje***

Komisija za izbor i imenovanje je, shodno Odluci o općinskim priznanjima raspisala dana 10.07.2017.godine Javni poziv za dostavljanje prijedloga za dodjelu općinskih priznanja, koji je bio otvoren 30 dana.

Općinsko vijeće Gornji Vakuf-Uskoplje ovlastilo je Komisiju za izbor i imenovanje za provođenje postupka raspisivanja i utvrđivanja prijedloga za dodjelu Općinskih priznanja članom 5. Odluke o općinskim priznanjima («Službeni glasnik općine Gornji Vakuf-Uskoplje». br. 6/09) koji glasi;

*«Općinsko vijeće Gornji Vakuf-Uskoplje, putem Komisije za izbor i imenovanje, upućuje javni poziv za podnošenje prijedloga za dodjelu priznanja, a krajnji rok za podnošenje prijedloga je 30 dana prije održavanja svečane sjednice Općinskog vijeća.»*

Na raspisani Javni poziv za dodjelu općinskih priznanja za 2017.godinu prijedloge su podnijeli:

- OO SDA Gornji Vakuf-Uskoplje predložila je JP „Elektroprivreda BiH” d.d. Sarajevo, z.d. Rudnik uglja „Gračanica” Gornji Vakuf-Uskoplje za dodjelu priznanja „Povelja sa grbom općine” i Dževada Agića iz Gornjeg Vakfa-Uskoplja za dodjelu priznanja „Zahvalnica s grbom općine”;
- OO HDZ BiH Uskoplje, Gornji Vakuf-Uskoplje, predložila je Dr. don Tomislava Mlakića za dodjelu općinskog priznanja „Zahvalnica s grbom općine”;
- MZ Gornji Vakuf-Uskoplje 3 predložila je UG „Batuša” Gornji Vakuf-Uskoplje za dodjelu općinskog priznanja „Zahvalnica sa grbom općine”;
- MZ Gornji Vakuf-Uskoplje 1 predložila je Senada Latića iz Gornjeg Vakuf-Uskoplja za dodjelu općinskog priznanja „Zahvalnica sa grbom općine”.

Komisija za izbor i imenovanje na svojoj 4. sjednici održanoj dana 25.08.2017.godine razmotrila je sve pristigle prijedloge, te uvažavajući propisane kriterije i dostavljena obrazloženja uz prijedloge predlagača i nakon provedene rasprave zaključila je:

- Da nema dovoljno elemenata za dodjelu predloženog općinskog priznanja Senadau Latiću iz Gornjeg Vakufa-Uskoplja i UG „Batuša” Gornji Vakuf-Uskoplje, uvažavajući aktivnosti navedene u prijedlogu za dodjelu priznanja;
- Da ima dovoljno elemenata za dodjelu općinskog priznanja „Povelja s grbom općine” JP „Elektroprivreda BiH” d.d. Sarajevo, z.d. Rudnik uglja „Gračanica” Gornji Vakuf-Uskoplje (uz iskazano protivljenje članova Kkomisije Josipa Hercega i Marinka Krajine) i Dr.don Tomislava Mlakića i Dževada Agića za dodjelu općinskog priznanja „Zahvalnica s grbom općine”, uvažavajući aktivnosti imenovanih navedene u prijedlogu za dodjelu priznanja.

Zbog svega navedenog Komisija je odlučila da predloži Općinskom vijeću Gornji Vakuf-Uskoplje da dodjeli općinsko priznanje za 2017.godinu „Povelju s grbom općine” JP „Elektroprivreda BiH” d.d. Sarajevo, z.d. Rudnik uglja „Gračanica” Gornji Vakuf-Uskoplje i „Zahvalnicu s grbom općine” Dr.don Tomislavu Mlakiću i Dževadu Agiću.